

NOVELA **REY DI CONTRABANDO**

CAPITULO 62

Sin duda lo el mester a haya e curpa di Albardy, y cu nan dos a wordo ataca..... dus..... Wel, si el tabata stimami maske ta un tiki numa,-- Marcia a dicidi..... --lo el no sosesa un rato si el no ta sigur cu mi ta salbo.....-- Tur e cos nnan aki tabata pasa den Marcia su cabez. --Lo mi ta verdaderamente den peligro,-- el tabata puntra su mes honestamente. Verdaderamente el no tabata den peligro di morto. El no por keha di e trato cu el a haya cerca Red Reflin y su compinche. E dos hombernan a tratele masha bon, pa lo ke cu el por a spera di nan, y tambe nan cuida pa nada no faltele tanto cu nan tabata por. El tabata obliga na keda den e cuarto ey..... pero esey mas parti tambe tabata su mes culpa. Despues di cu Reflin a bolbe ayera nochí el a bolbe ofrecele cu si el kier, el por cana liber pafor den e campamento, si el tabata kier, semper si el priminti nan cu el lo no trata di huy.

Atrobe el a halza su schoudernan cu desprecio, y el a bolbe bisa cu el lo no laga ningun chens cu el haya pa huy bay voorbij. Pa un instante no mas, e idea a surgi den su cabez di cu tabata mihor di priminti Reflin lo ke el a pidi. Finalmente un promesa haci na un bandido, un ladron, y matador, no ta importa mucho. Pero e orgullo di Marcia tabata en contra di tal plan. El tabata kier si libertad atrobe, henter anochi el a reza pe, el kier bolbe cerca Dan Coolidge, pero no di e manera ey. El no kier a recorda su mes cu desprecio di cu ta pa via di traicion el a salba su mes. Su esfuersonan di ayera nochí pa busca un moda di scapa tabata en vano, pasobra el a bay soño. El a wordo desperta door di e binida di Reflin cu su compañero. E homber cu e marca corra mahos ariba su cara a conta Marcia cu un sonrisa diabolica ariba su cara, y di satisfaccion, di cu su dos amigonan ta buskele, pero, di cu ora cu nan bolbe na e aeroplano..... nan lo haya e dos tanki nan di benzine, bora y bashi.....

--E aeroplano pretó di nos.....-- Marcia a pensa. Pues semper el a spera di cu nan lo a drecha e aeroplano di moda cu nan por a huy cu ne....

Marcia cu Dan y su amigo. Pero awor sin combustible no ta cos ni di pensa mes. Un sentimiento di tristeza, y desesperacion descomedia a apodera di dje. Awor si el tabata sigur cu lo no tin mucho tempo pa salbele of pa e huy. Red a asegura asina..... Red tabata demostra masha hopi bondad cu ne, el a ripara desdi ayera nochí. Pero, el no por a compronde ta pa kiko. Di e mes un manera el a bisa Marcia cu yudanza tabata bini pa e isla.... un barco cu ta bini for di un di e islanan cercano y mas grandi, cual barco tambe lo sirbi pa transporta e mucha muher na e lugar caminda e rey di contrabanda ta scondi, pero si el a bisele un otro noticia cu a spanta Marcia masha hopi y cu a haciele sinti te den profundo di su alma. --Asina cu el a haya bo, lo el lo deshaci di e otro muher cu el tin,-- Red aremarca. --E otro muher.....-- Si Marcia corda ariba e momento ey so, el tabata soda frio pa tur parti di su curpa pa ansha y miedo.....

--E otro muher..... Un sentimiento raar tabata dreña su curpa.... Kiko lo ta di dje? Kiko lo ta di su suerte, si el corda ariba e crueldad di e rey di contrabanda, y un homber cu su consenchi ta suchi y yen di asesinato? --Y tin cinco aña caba cu el a casa cu e muher... si verdaderamente casa.... maske diabel so sabi kiko el tabata haci e tempo ey.... e ta continua mañan.....

BETICO CROES TA OPONE INDEPENDENCIA AUTOMATICO

ORANJESTAD(AAN)— Sr. Betico Croes durante continuacion di e debate nan den Tweede Kamer encuanto cambionan den Statuut, ayera a opone fuertemente contra opinion di gabinete hulandes di cu Aruba no por sali mas for di e fecha di independencia prome di januari 1996.

Durante deliberacionnan ariba e pregunta cu si Aruba por bira independiente na 1996, Sr. Betico Croes a laga sa cu no por cera wowo pa e posibel desarollonan ariba tereno social economico, y como consecuencia di esaki mester por ta posibel pa por suspende e fe-

cha di independencia.

Sr. Betico Croes cu esaki a opone contra opinion di prome ministro Lubbers y Ministro de Koning di Asuntonan Antillano, kendenan diamars a laga sa cu Aruba no por nenga independencia na 1996 mas. Nan a bisa cu independencia di Aruba na 1996 ta esencial den e cambionan cu mester bini den Statuut y cu esaki ta parti di salimento di Aruba for di e constelacion Antillano prome di januari 1986.

E expresion di Lubbers di cu realizacion di Status Aparte ta encera pa 90 porciento caba independencia di Aruba, Sr. Be-

tico Croes a califica como incorrecto.

"Esaki ta ilustra e actitud menos serio di gobierno hulandes", el a laga sa.

El a indica cu desde conferencia di mesa rondo na maart 1983, unda e base a ser poni pa e cambionan di statuut, a tuma lugar empeoramento drastico di economia di Aruba. El a muestra ariba ceramento di Lago cu tabata tin su consecucionan ariba tereno laboral y ariba entradanan di gobierno. El a reprocha Hulanda di a tuma un actitud hopi pasivo den e asunto aki tambe.

PARLAMENTO HULANDES A PRESENTA MOCIONNAN

ORANJESTAD(AAN)— Durante e conferencia telefonico cu representantenan di e delegacion di Antillas, den cual miembronan di Staten di Aruba tambe ta presente, señor Guillermo Trinidad a trece dilanti cu e miembronan di Parlamento di Hulanda tambe a presenta nan mocionnan.

Un total di cuatro mocion a keda entrega, segun Trinidad a splica.

Asina e problemanan den Cuerpo Policial lo

mester keda regla, segun uno di e mocionnan.

Otro mocion ta bisa cu e posicion legal di cada ciudadano lo mester keda asegura mientras cu e tres partidonan di mas grandi a presenta un mocion cu ta exige pa ariba termino corto studia e posibilidad di un Mancomunidad. Esey ta significar un situacion, den cual

e islanan na un forma distinto lo por tin lazonan cu Hulanda, loke alavez ta significa cu e islanan lo mester acepta nan independencia.

Wijnie Jabaaaj a presenta un mocion pa forma un comision pa coordinacion pa e fase transitorio, esta e periodo entre Status Aparte y Independencia.

ELECCION NA ITALIA E LUNA AKI

ROMA:--Proceduranan pa eleccion di un presidente nobo pa Italia ta cuminsa dia 24 di juni, segun presidentenan di e dos camaranan di parlamento italiano a laga sa ayera.

Periodo di presidencia di Sandro Pertini ta termina dia 8 di juli.

Presidente di Italia ta ser eligi pa parlamentarianan y representantenan di e 20 provincianan.

Desde 1946 ningun presidente no a ser eligi na Italia den e prome votacion.

GANAR PLACA CASH CU SAN NICOLAS BUSINESS ASSOCIATION
cumprando e regalo pa Papa na San Nicolas

1° premio - F. 1.000,=
2° premio - F. 300,=
3° premio - F. 200,=

E Tiendanan cu ta participá den e campaña tin un POSTER corrá cu blanco di 'MOTHER' y 'FATHER'. pegá na porta of entrada.

SORTEO dia 16 di JUNI - DIA di TATA na RADIO ANTILLANA. pa 6.00 ATARDI

FATHER
JUNE 16